

so schöner Esel/ die es wol den Büffeln solten
zuvor thun/ warumb will man dann die Esel
verachten/ mit welchen gleichsamb die ganze

Welt verachtet wird? Das sey also dem Esel
zu Ehren / vnd den Eselstreibern zum Trost
gesagt.

A N N O T A T I O

Vber den Fünff und fünffzigsten Discurs.

Von den Eselstreibern mag man etwas nachsuchen in Petri Criniti Buch De honesta Dis-
ciplina cap. 9. vnd in den Secretis Weckeri fol. 295. Desgleichen bey Caelio Calcagni-
na fol. 236.

Von den Mauleselstreibern saget auch Petrus Crinitus etwas fol. 303. vnd Calcagnius
fol. 28. vnd 360.

Der Sechs vnd fünffzigste Discurs.

Von Ackerleuthen/ Bauern/ von Bienen/ Weingärt-
nern/ vnd Kästlern.

Er Ackerbau ist so altes Her-
kömms/das/wenn schon nichts
anders were / deshalben man in
hoch achten solte / so were dieses
gnugsamb in allen andern Ge-
schäften/ Künsten vnd Handwercken vor zu-
ziehen. Dann das erste / so der Mensch also
bald nach der Schöpfung vorgenommen/ist
dieses gewesen/das er das Land gebauwet/ge-
sät/ gepflanzet / vnd sich in solchen Dingen/
so darzu gehören/bemühet hat. Iosephus lib.
1. Antiq. sagt / es sey Cain der erste gewesen/
welcher das Feld gebauwet / vnd Marcstein
gesetzet hat/vnd also dem Ackerbau den An-
fang gemacht. Cicero lib. 1. de Nat. Deorum
sagt/es sey Ceres die erste gewesen / welche den
Ackerbau / vnd sonderlich die Frucht zuse-
sehen/mahlen vnd backen gelehret habe. Mit
welchem auch Virgilius lib. 1. Georg. überein-
stimmet/da er sagt:

Prima Ceres ferro mortales vertere ter-
ram

Instituit, cum iam glandes atque arbuta
sacrae

Deficerent siluae, & victum Dodona ne-
garet.

Das ist:

Als Staudn vnd Eiheln namen ab/

Vnd der Wald keine Speiß mehr gab/

Zeigt Ceres, wie mans Land solt pflügen.

Das man davon hett seinen gnügen.

Eben derselbigen Meynung ist auch Ovi-
dus lib. 5. Metamorph. da er sagt:

Prima Ceres vnco glebas dimouit ara-
tro

Prima dedit fruges alimenta que mita
terris.

Das ist:

Ceres zu erst das pflügen lehrt/

Vnd wie das liebe Korn sich mehret.

Iustinianus sagt lib. 2. Es sey Triptole-
mus der erste gewesen / so Korn in Griechen-
land vnd in Asiam gebracht vnd gezeigt/ wie
man dasselbige sähen / vnd das Feld darzu
bauwen solte. Diodorus Siculus aber vnd Ti-
bullus geben dem Osiridi, so auch Dionysius
genennet worden/diese Ehre/welches alle mit
einander Zeugnissen seynd des alten Her-
kömms des Ackerbauwes/das auch die Hei-
nische Scribenten / so Moses nicht gelesen
haben / seinen Ursprung nicht wissen zu
finden.

Wolan/der Ackermann (sagt Arist. lib. 3. Polit.)
trachtet mit aller seiner Mühe vñ Arbeit
/ mehr nach Gewinn/ als nach Ehre/vnd
brauchet sich in einer Arbeit Geschäft vnd
Wissenschaft/welche so vorträglich/mühselig
vnd nothwendig / als sie mühselig vnd be-
schwerlich ist. Ob es schon eusserlich das An-
sehen hat / als weren die Bauwen weder Le-
bens noch Ehrens wehr/nach dem textu Le-
gis. 1. Cod. tit. de Agriculis, allda Iacobus
Rebuffus auch der Meynung ist / man soll
keine Ackerleuth noch Hecker in den Karth-
vnd zum Regiment nemmen/da man andere
weilere vnd verständigere Leut haben kan: so
muß man doch befehen/das man irer nit ent-
rathen kan/als deren/ so für alle andere arbeit-
ten/das sie ihre Nahrung haben: vnd derhalb-
ben höchlich zu rühmen sind/wie sie denn von
vielen vnderschiedlichen ansehnlichen Scri-
benten zum höchsten gerühmet vnd erhaben
werden. Vnd weiß vnder andern der fürreff-
liche Redener / vnd verständige Cicero bey-
nahe nicht/wie er den Ackerbau / vnd die/so
demselbigen abwarten / gnugsamb loben soll.
lib. 1. Off. setzet er diese Wort: Omnium autē
rerum, ex quib. aliquid exquiritur, nihil est
agricultura melius, nihil vberius, nihil dul-
cius